



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1628. usque ad annum 1634

Fleury, Claude

August. Vind. [u.a.], 1778

VD18 90118871

§. 86. Aatholicorum Scriptorum obitus.

[urn:nbn:de:hbz:466:1-67394](https://nbn-resolving.org/urn:nbn:de:hbz:466:1-67394)

steriis. XI. Ægidius Coninck Jesuita Sæc. XVII. A.C. 1633. posteris reliquit disputationes de Sacramentis & Censuris, de virtutibus Theologicis. & de absolute moribundi sensibus destituti unacum ejus apologia. XIII. Gregorius Mastrillus ex eadem Societate edidit, discursus de Passione Domini, de utraque generatione Christi, in Jonam Prophetam, & quadragesimam unacum Novenna in septem antiphonas majores ante natiuitatem Christi Neapolitanis literis anno 1620. excusa.

§. LXXXVI.

A catholicorum Scriptorum obitus.

Celebriores ex A catholicis Scriptoribus, qui hoc anno obiit, recensere oportet; hos inter primus est Paulus Tarnovius Lutheranus quidem, sed de Hermanni Rothmani erroribus valde suspectus, edidit tractatum de novo Evangelio, quo, tanquam remedio ut inquit Calvinistæ, capitalem Ecclesie Lutherane morbum sanare conatus est. Scripsit præterea commentarium in Evangelium S. Joannis, necnon de conjugio, Sacramentis, ministerio Verbi, præter Synopsin veræ doctrinæ de fide justificante. II. Daniel Tilenus primo Arminianorum hostis, postea

Freher. Theatr. Vir. erud. part. I. sect. 3. Nicéron. t. 16. p. 256. Vid. supra l. 198. §. 3. pag. 390.

T t 4

Sæc. XVII. postea fautor tam immotus, ut officio
 A. C. 1633. amoveri, quam cedere maluerit, pa-
 lam professus, quod si vel Mahometana
 vel Calvinianam Religionem amplecti
 cogeretur, potius Mahometanus quam
 Calvinista fieri vellet. Edidit animad-
 versiones in Synodum Dordrechtensem,
 notas in Bellarminum de Ecclesia, Papa
 & Verbo Dei non scripto, præter plura
 alia. III. Polycarpus Leyferus infelix
 ille Calvinio-Lutheranæ unionis faber
 scripsit contra Patrem vindicias, an
 Syncretismus in rebus fidei cum Calvinis-
 tis coli possit, & in politica conversatione
 Pontifici illis sint præferendi? exstant
 quoque alii disputationes de pace Ecclesie
 Evangelicæ, Harmonia Calvinistarum &
 Photianorum circa Cænam &c. IV. Joannes
 Cluverius ex Crempensi Ludimagistro
 Pastor nominatus epitomen Historicam,
 computum chronologicum de annis Christi,
 Harmoniam Evangelistarum & alia haud
 magni momenti opuscula confarcinavit. V.
 Franciscus Godwin Herfordiensis Pseudo-
 Episcopus edidit commentarium de Præ-
 latis Angliæ, necnon de conversione
 Britannicæ ad Christianam Religionem,
 Annales rerum Anglicarum, & Catalogum
 Cardinalium Anglorum, &c. VI. Georgius
 Abbotus Cantuariensis Archiepiscopus

Archipræful, qui venationi intentus, **Sæc. XVII.**
 dum Sylvæ custodem trajecerat, offi- **A. C. 1633.**
 cio suo amotus tandem ad arcem suam
 relegatus est, ubi die quarta Augusti
 septuagenario major decessit: Scripsit
 quæstiones sex de S. Scriptura & SS.
 Patribus, explanationem Prophetæ
 Jonæ, Papismum eversum contra Tho-
 mam Hill, qui ad Catholicorum Sacra
 transit, descriptionem Orbis, tracta-
 tus de vera visibili Ecclesia, de Valte-
 lina Laniena, & de cultu SS. Nominis
 Jesu præter Vindicias sabbati, anno-
 tationes in Jobum & Psalmos. VII.
 Joannes Crellius secta Socinianus, qui
 conscripsit Ethicam Christianam, li-
 brum de Deo, ejusque attributis, nec-
 non de Deo Patre, & Spiritu Sancto,
 unacum vindiciis pro Religionis liber-
 tate. VIII. Daniel Micolevius elucu-
 bravit disputationem Vilnensem de
 Capite Ecclesiæ, & Syncrifin Articu-
 lorum fidei.

§. LXXXVII.

*Calvinianæ Inquisitionis severitas in
 quemdam sectæ suæ desertorem.*

Hoc anno Genevenses Calvinistæ lu-
 culento rursus monumento com-
 probatum reddidere, quam alieni sint
 ab illa charitate ac mansuetudine, quam
 T t 5

*Epist. Præ-
 vostii Eccle-
 siast. Genev.
 die 18 Maji
 1633. Hist.
 Eccl. Jæger
 in l. 3. c. 15.*